


1853



Caso

F

39

.326

1615 ca

CASSANDRE

FRANCOISE.

FRANÇOIS, que faites-vous? Où auez vous les yeux? Quel mauuais conseil vous precipite aux malheurs, que pourriez aussi facilement preuoir que moy, bien qu'esprise d'un saint enthousiasme, puis que le passé vous a monsté ou deub monstres combien vous sont dommageables les alliances estrangeres trop estroitement contractees, & principalement celles d'Espagne? La perte de vos enfans, vos filles forcees; le saccagement de vos villes; les sacrileges commis en vos saints Temples; bref la ruine entiere de vostre pays vous deueroient esmouuoir, puis qu'en tout cas vostre condition ne peut estre pire, bien que tout l'vniuers se bandast contre vous, pour de force vous contraindre d'effectuer, ce qu'à vostre malheur, & desauantage de vostre Fräce vous auez promis. Je veux que y deussiez succomber, ce ne seroit à vostre des-honneur, puis que les vaincus sont cōtraints d'accepter telles conditiōs qu'il plaist aux vainqueurs: Mais vous ne voulez attendre, vous estes vaincus sans coup ferir, & par crainte de ceux qui ne scauent que fuit deuant vous, vous accordez ce qu'à peine vaincus on vous eust osé demander? Vous prenez en mariage vne des-heritee, pendant le temps seulement qu'elle aura l'honneur d'estre compagne de vostre loy, & semble par vostre accord que son pere luy dōne en mariage le droit qu'il prend sur vous.

Il n'estera ainsi, vous vous en deporterez, ressentāt ce qu'à peine encores, auez glēz que vous estes ne voulez recognoistre, vous prēdrez celle en France, qui seule di-

igne de ce Sceptre, semble auoir esté enuoyee de Dieu pour reünir vne branche defaillante à son tige; vous suirez les Conseils de celuy que vous auez abandonné au besoin: luy qui vray decie auoit voüé & destiné sa vie au salut de son pays, lequel, bien qu'il se vist delaisié de vous à neantmoins persisté en ses bons desseins, & seul à destourné vne fois le cours de vostre destinee, empêchant la perfection de ses alliances; qui seul à tousiours résisté à ses maudites & dangereuses viperes, qui non contentes d'auoir tousiours possédé le cœur de vos Roys, ne taschent à s'accroistre qu'avec la ruine de entiere de leur mere.

C'ont esté de tout temps leurs desseins, ç'à esté autresfois le seul motif de leur sainte vnion; & pour cest effect vous ayant rauy (*sous l'esperance de leur mettre avec l'Espagnole ce noble Sceptre en main*) ces genereux Princes (qui bien qu'estrangers, mais adoptez par vostre France, ne se sont iamais monstrez autres que bons François qu'en ceste occasion) vous auoient mis en tel estat, que sans resistance, vaincus par vous mesme, vous fussiez tóbez en la tyrannie de celuy que vous auez tousiours crainct, & hay plus que la mort, sans espoir de vous en releuer: si Dieu regardant vostre France d'un œil de pitié, ne vous eust enuoyé ce grand HENRY, qui non pour ambition de se voir vostre Monarque paisible, mais meu d'affection en vostre endroit aimant mieux s'enfeuelir aux cendres de sa patrie, que la voir reduite à supporter le ioug de son plus grand ennemy; à pris la cuirasse; à quitté le repos pour avec les armes vous remettre, vous qui tiriez desia à vostre fin. Et par son soing, par les travaux qui luy a fallu endurer, & a surmonté par sa vertu, assistee d'une grace speciale de Dieu, qui recognoissoit la iustice de ses armes. Il vous a rendu le reposant desiré, à appaisé les tempestes qui a-

noient presque perdu vostre nauire. Sa seule memoire vous deuoit maintenant retirer de ces alliances Espagnoles, vous ayant tousiours monstré quelles alliances il falloit contracter, quelle amitié il falloit rechercher des Espagnols leur tenir le pied sur la gorge, releuer ceux qu'ils auoient aterrez, assister ceux qu'ils vouloient etouffer, estre ennemy de leurs amis, & amy de leurs ennemis, punir, quoy que grands personnages, & desquels il semble qu'on ait besoin, ceux qui en quelque façon leur fauorisent en leurs conseils, se laissant emporter à leurs promesses.

Ce sont les alliances qu'il vous a enseigné de contracter avec eux, non rechercher à son mespris & à vostre desauantage ce qu'il leur auoit (quoy qu'ils l'en sollicitassent) si souuēt desnié. Il sçauoit biē que ce qu'ils en faisoient n'estoit que pour s'accommoder au temps, ayans recogneu les pratiques qu'ils taschèt d'auoir en France, & pour ce estant contraint punir celuy qu'il auoit appelé son second à la restauration de son Estat, pour donner crainte aux autres de ne se laisser corrompre & trahir avec eux leur propre patrie. Ce qui eust telle efficace que les Partisans Espagnols pendant sa vie n'ont osé decouurir les trahisons qu'ils couuoient dans leurs ames, estans contraints (quoy qu'Espagnols) se monstrent bons François.

Mais il est mort, vos meschancetez en sont cause, ie n'en veux dire d'auantage, ie suis Prophete, ie dois parler de l'aduenir, non du passé: il est mort, & ceux qu'on pensoit estre deuenus bons François pour le peu d'effort qu'auoient eu leurs premiers desseins, quittas l'habit duquel ils s'estoient masquez pendant sa vie, apres sa mort ont fait le plus grand effort, que l'Espagnol (à qui ils n'attendoient que l'occasion pour le recompenser de

tant de pistolles qu'ils ont receus de luy pour se corrompre eux-mesmes & vos François) eust sçeu desirer d'eux luy donnant en mariage ceste France toute florissante pour sa longue paix, luy ayant voulu donner autresfois presque ruinee pour ses longues guerres qu'elle auoit endurée. C'est la recompense de la trop longue attente.

Et encores les estimerez bons François! zelez à vostre bien/ vous benirez leurs saintes intention, eux qui n'ont autre but en leurs conseils qu'a vous ruiner! Vous vous perdez croyez moy, & si vous ne le faites vous sentirez bien tost l'escheët qu'a apporté en cest estat la mort d'Henry le Grand. Mais ie vois au contraire, vous faites des feux de ioye, vous passez des nuits en ballers & en dances en esperance ces pretendus mariages: Hé que pensez-vous faire! accorder deux peuples du tout ennemis? plustost l'eau & le feu se mesleroiert ensemble, & meslez produiroient leurs effects, que le François peult comparir avec l'Espagnol. Le coq est du tout contraire au lyon, & à sa seule voix luy fait monstrier les talons & rabattre le feu de son courroux.

Mais ie me trôpe, ie luy fais trop d'honneur, ce n'est point vn lyon, c'est vn renard, qui est tousiours au guet pour attrapper vostre coq: tenez-vous donc sur vos gardes, & ce plustost quand il fera le doux; Ses promesses ne sont que vaines desfloyautes; son visage riant ne cache que courroux; ce changemēt qu'il monstre tout a coup est vn indice certain de quelque dangereux dessein. Car qu'à il affaire d'alliances si estroittes avec vous, sinon que partels apas il vous croit abuser? Ce n'est en luy que dissimulation, tousiours contraire de paroles aux effects, & est plus prest à faire l'un quand & il a promis l'autre.

Retirez vous François quand vous pouuez, de peur que ne le pouuez quand vous le voudrez, C'est vn mauvais compagnon qu'un renard, & vous estes trop francs pour l'auoir pour amy.

Et quoy, ne considerez vous point ses desseins? Non, l'esperoir du bien qu'on vous promet qu'il en viendra, vous offusque les yeux; & quel bien pensez-vous qu'il en doieue reüssir? Vostre seule ruine, apres le reste de l'Europe, est la fin de ceste alliance, vous receurez de luy le bien bien fait que Polypheme promettoit à Vlysses, il vous ruynera les derniers, ce sont ses desseins.

La Flandre abandonnee de vous se verra bien tost surmontee.

L'Angleterre la suiura de prest, & sous pretexte d'estre bons Catholiques, vous exterminerez en vostre pays la religion pretendue reformee, renouellant les guerres qui vous auoient pense ruiner, vous vous affoiblirez vous mesmes, vous ruinerez de vos bons compatriotes. C'est ce que demande l'Espagnol pour paruenir à ses desseins, il sçait bien que seuls & quelques vns d'estre vous sont exempts d'estre suspects de tenir son party & ne se sont point encores (quoy qu'il l'ait voulu faire) laissez esbloüir à l'esclat de son or. Je ne suis Huguenot, mais l'experience me le monstre & la verité me contraint de parler ainsi,

L'Italie quand elle vous aura perdu ne resistera plus à ses armes. Il y commence desia, & laschement vous abandonnez vos allies.

L'Empire d'Alemagne se verra bien tost asseruy à ce Renard, qui trompera mesme ses allies, il restera la conquiste d'Orient: Ce sera vostre parr, le Pape vous en donnera le droit que vous vous promettez desia; vous promettra des croisades; l'espagnol se voyant proche

du succez de ses desseins vous y assistera; vous ne perdrez l'occasion, & assemblant en vn toutes vos forces vous vous y acheminerez, comme à vne victoire certaine; vous y conduirez vostre Roy pour le voir couronner au siege des Solymans, où bien tost se trouuera là seul desuë de tout secours, estant trahy desia corrompus par l'Espagnol, & abandonné de ceux qui luy pouissoient, toutes ses forces estant rompuës, il courra quelque bruiet de sa mort, on enterrera vn Suisse en son lieu, à la façon du Roy de Portugal; l'Espagnol sur ce bruiet (quoy que faux comme beau-frere) reiettant vostre loy sa ligue s'emparera de son trosné, personne ne luy pouuant resister: vostre Roy reuiens; ce sera vn faux Sebastien; ce sera vn Patissier, ou quelque Calabrois & le mettant en prison on luy fera miserablement finir ses iours.

Mais seroit trop long temps attendre pour vn tyran qui bruste de desir de se voir voir vostre Monarque, & qui le but de tous ses desseins en vostre ruine: il cherchera quelque plus cour moyen, il sçait que par son alliance vous estes contrains de quitter l'amitié de tous ceux qui vous sont de tout temps alliez, il sçait que pour cela ils sont du tout allenez de vous; Que fera-il? Il les sondera, & recognoissant leur mauuaile volonté en vostre endroit, les sollicitera à s'allier avec luy, il se preuandra du peu de fermeté & constance que vous auez en vos alliances, & pource se les rendra amis, cassera plustost son Inquisition, ne se souciât du Pape que pour son bié, mettra liberté de conscience en ses pays, & en vn besoin prendra le turban pour vous ruiner; par ces moyens les ayâs gaignez, les bâdera contre vous, les portera à se vâger du tort que leur auez fait de les auoir abandonnez, les aidera de ses forces, vous ne subsisterez point, estans trahis des

vostres & delaissez de tous, & alors ce Renard qui qu'estoit il y a long-temps ceste proye, vous voyant opprésés d'un costé cherchera quelque pretexte à son ambitio, pour acheuer de ruiner & mettre fin à ceste belle Monarchie, conduire à telle periode pour auoir esté trop credule, pour auoir trop cherché le repos, & n'auoir voulu croire ceux qui ne luy conseilloient que son bien.

Quoy François, ne preuoyez-vous point cela? Estes-vous si abestis que vous ne vous ressentiez plus des maux qu'il vous à fait? Auez-vous desia mis en oubly sa tyrannie & l'vsurpation de Nauarre? Ne vous souciez-vous plus de vostre Souueraineté de Flandres? de vostre Duché de Milan & Royaume de Naples, qu'il tient à la honte de vos peres, qui y ont rât employé de forces? Ne scauez-vous plus les induës pratiques qu'il a tousiours sollicitées en vostre France? Luy pardonnez vous la corruption de vos genereux François, qu'il pensoit estre vos seuls Lyons? Mais il se trompoit, la France estant aussi coustumièr iusques icy à engendrer des Lyons que l'Espagne des Cerfs. Estimez-vous qu'il ait si tost changé le naturel de ses peres? Ne voyez-vous pas qu'il ruine maintenant un Prince, sans auoir esgard aux alliances qu'il auoit aussi estroitement contractées que vous? & que s'il trompe les hommes pour Piedmont, tromperoit Dieu pour la France?

Mais ie le vois, vous n'estes plus François, vous n'estes plus libres, vous ne demandez que le repos qui qu'il vous le donne, & ne vous souciez à quel maistre vous seruiez, vous n'estes plus de ces François, qui ont de tout temps esté estimez pour l'affectio qu'ils porteroient à leur Roy, qui ont tant de fois respendu leur sang pour maintenir ses droits, fermans les yeux à toutes autres considerations: Non, non, vous ne tenez rien de vos peres, vous

estes Argyranthropes soldats d'Eumenes, vous trahiriez vostre profit particulier, & en cela ie recognois, que vous estes au declin de vostre Empire; il faut qu'elle perisse ceste Monarchie, personne ny peut donner remede, ceux qui le conseillent sont blasmez, ceux qui y taiscent sont estimez criminels de leze Maiesté, ceux qui en parlent sont perturbateurs de l'Estat: vous estes donc venus a vostre fin, puis qu'on n'y ose donner remede, tout s'y accorde, ie ne voy rien qui y repugne.

On auoit conuocqué les Estat generaux, remede à la verité fort certain pour establir vn Estat, si leur Conseil eust esté libre, & n'eussent euz crainte d'oultre-passer ce que le plus fort leur demandoit, & ceux qui deuant que pouuoir estre esleuz ils auoient vendus & promis leurs voix, n'osans proposer que ce qu'il leur auoit esté pareux cōmādé autres-fois, il vous ont restably; Mais ce sont eux maintenāt qui les premiers ont tracé le chemin à vostre ruyne: le Clergé, vous ayant fourny de beaux pretexte pour mettre à couuert les assassins de vos Rois, mais ie me trompe, ce ne sera plus contre vos Princes legitimes ce sera contre quelque tyrenneaux usurpateurs de vostre Empire: ouïy ce sera contr'eux, vos Rois deffailant bien-tost si selon leur proposition vous vous rendez esclau de l'Italien que vous auez tousiours esprouué varriable; qui n'est amy que pour le bien, ou le mal qu'on luy peut faire; & ne se soucie plus de vous, voyez-le; vous qui luy auez donné son premier patrimoine: mais il ne faut tenir ce discours: tous les Empires du monde, ayant esté en leur disposition depuis Sainct Pierre, eux qui estoient quelques-fois bien aises de trouuer leur estenduë de terre pour éuiter la furie des Empereurs. I'honore le saint Siege en toute spiritualité, mais il s'en fait trop accroire au temporel. Quoy? approuuer ne tenir vostre Estat
que de

que de luy, vous n'estes point asseurez d'auoir tousiours vn Paul ; il faut craindre vn Bouiface, vn Sixte, ou autres ausquels il ne faudroit qu'une boutade, se voyât ce pou- uoir en main, si vous leur desplaisez en quelque choses : Si l'Espagnol leur commandoit ; il vous confisc- queroit vostre Empire, comme fauteurs de l'heresie, ils luy donneroient pour butin en cela qui y prendra plus de droit qu'un an et estant vostre Beau-frere ; & par Bul- le casseroient plustost vostre Loy Salique comme inega- le & inhumaine, il seroit aussi le plus fort corrompu & corrompans tous les iours les plus grands de vostre estar ; mesme la plus part de vos François variables & inconstans qui n'ont pour estre que le changement, ne demande- roient autre chose : & se voyans absous de la crainte qui leur reste d'ouïr passer la foy que ils doiuent a leur Roy donneroient pour pretexte à leur desloyauté de ne vous loir encourir la rigueur du foudre d'Italie.

Vous y commencez François, & tous les iours, quel- ques uns d'entre vous, poussez de ses raisons diaboliques (comme confirmées par la voix de tout peuple, pour le peu de resistance qu'on y fait, & le tacite & muet cōsen- tement qu'on y presse, pour le peu de recherche qu'on a fait des auteurs execrables des Parricides des Heurys, s'osent attaquer à la sacree personne de vostre Roy, ex- empt pour son bas aage de commettre ce pourquoy se- lon eux, il seroit permis de le tuer, si ce n'est que la Cou- ronne seule leur fait entreprendre ses desseins.

Vous en verrez biē d'autres, si en rejettāt ces mauuai- ses propositions du Clergé, vous n'en punissez les au- theurs qui vous ont osé menacer de la mort de cent mil- le hommes, & de la ruyne de vostre Estat, si vous ne les tātifiez : mais excusez-les, ils ont combātū pour leurs droits, ayant esté par bulle expresse du Pape, naturalisez

Italiens en esperance de pouuoir vn iour participer à la
Chaise de S. Pierre.

Et crois aussi que vostre noblesse pour mesme fin a intention de prendre vn iour le chapeau rouge, & de vray elle l'a bien meritée, & elle l'aura, ayant avec tant de passion moyennant aussi de pensions, soustenus le droicts Papistres pour diminuer ceux de leur Roy.

Enquoy vous voyez, pauures François, combien vous estes delaissez; puis que ceste Noblesse tant esloignée de l'affection naturelle de leurs peres au seruice du Roy & de leur pays, bastarde, il le faut, de ces genereux François qui ont autre fois troublé toute l'Italie pour en deraciner; s'est rendu faulxice d'une si damnable maxime, seule capable de bouleuerfer l'Empire le mieux estably qui soit au monde, & m'estonne comme elle a peu trouuer lieu dans l'ame de ceste Noblesse, qui pour ceste cause à quitté le surnom qu'elle auoit obtenu par tant de victoires, & pour s'estre tousiours monstrée affectionnée à maintenir les droicts legitimes de son Roy: elle l'a cédé, ce beau nom de conseruateur de l'Estat, encores à ceux de qui elle n'auoit auparauant jamais tenu compte audit tiers Estat, lequel s'estant monstré vrayement Noble & seul digne, pour ce temps, du nom François s'est roiduy, assisté de vostre premier Prince, & de vostre Cour de Parlement qui y continuent encôres tous les iours à maintenir les droicts de sa majesté, pensans soustenir en cecy quelque peu ce grand edifice, & n'estant toutesfois assez forts, ont succombé, afin que le cours de vostre deslinee ne fust empesché.

Car il faut qu'il perisse cest Estat, il a trop long temps duré, & sera en ce temps plustost qu'en nul autres; puis que vous ne tenez que du Pape, lequel desia tous les ans en sa bulle, *in cana Domini*, excommunie vos Roys,

comme fauteurs de l'heresie.

Vostre fin est donc venuë, la Prophetie de S. Remy s'y accorde, tant que vos enfans rendront la iustice, ce dit-il, vostre Royaume florira: & en quel temps la iustice a elle esté moins renduë qu'en cestuy-cy? tout est plein d'injustices, brigues, monopoles & corruptions. Ceste belle Astree François est toute changée Elle a quitté son bandeau, elle voit clair; elle a retenu l'espee pour punir les paaures, qui n'ont pen par leur argent, s'exempter de peines deuës à leurs crimes: elle retient la balance, non pour peler les raisons de l'une & l'autre partie, mais pour scauoir par le poids qui plus luy donne; elle n'est plus vestuë de rouge, sa robbe est bigarree & de Cameleon, pour pouoir receuoir les couleurs que sa passion luy demande; ce n'est plus elle qui preside, l'auarices'est emparee de son siege, l'ambition & la luxure domine le cœur de ses Pontifes, ils n'ont rien de réglé, tout y est en desordre selon leurs appetits: Tous particuliers, personne publique, si ce n'est vostre Cour des Pairs assistee d'un Theopompe, qui a tousiours cherché les moyens de vous remettre, sans crainte d'encourir la haine de ceux, qui, pour maintenant tiennent vostre rimon & seuls sont cause de vostre mal, taschent par ses iuste remonstrances, ne pouuant autre chose, d'exterminer les abus qui se commettent au Conseil de vostre Roy, & monstre par perseuerance en ce dessein, que non point la Pollette, mais la preignante douleur qu'elle ressent d'un si grand desordre l'a poussé à s'assembler tant de fois n'ayant desisté, bien qu'on luy promist la continuation de ce pourquoy on croyoit qu'elle s'assemblast.

Ce petit nombre François (seul desireux de vostre bien) vous doit monstre en quel estat est vostre France,

puis que la Prophetie de vostre ruyne estant venuë ce
 seul Parlement ne la pouuant empescher, pour empes-
 cher, pour en faire plustost arriuer les effects, vous
 contraſtez non sans honte de desroger à vos peres, avec
 le plus cruel ennemy qu'ils ayent iamais eu, & non con-
 tens de ce, pour plustost vous ruyner, vous vous rendez
 sieffez de l'Italian, esclau de l'Espagnol, qui par droict
 de felonnie depossedera bien tost vos Rois, pour vous
 acquerir à son maistre.

Vous perirez donc, toutes choses vous le president, si
 vous ne me croyez qui Prophete enuoyé de Dieu, vous
 anonce la ruyne de vostre estat, si vous ne vous conuertis-
 sez; si vous ne coupez le chemin aux malheurs qui vous
 tallonnent de si pres que si vous ny mettez bien tost
 la main, il vous sera à la fin impossible d'y remedier.

Vous estes dites-vous prest d'y resister, & plustost
 vous enseuelir dans les cendres de vostre pais, mais vous
 demandez vn chef: entreprenez seulement, & ne suiuez
 cecy que celuy qui s'y'est offert y a si long temps, qui
 bien que ieune d'ans monstre plus de maturité en ses cō-
 seils, que ceux à qui en le laissant, vous auez iusques à
 present voulu croire.

Vous ne metromperez pas Prince de Bourbon; mais
 ie desire aussi de vous en departiez à la premiere resistan-
 ce qu'on fera: ce seroit peu de l'auoir entrepris; si vous
 ne le mettiez à effect, vous vous deuiez proposer dès le
 commencement d'y auoir pour ennemis les plus grands
 de cest Estat: & quoy, pour crainte des trauaux qui y cō-
 uient endurer, quitteriez vous vostre patrie en vn si grād
 besoin? qui ne vous demande que ce que legitimement
 vous luy deuez; si vous voulez estre tel que vostre quali-
 té porte, elle est deliberee de faire & souffrir toute chose
 pour le seruice du Roy & de vous: ne reculez donc point

mais assistant vostre ieune Hercules Gaulois, seruez-luy de Thesee, pour destourner les malheurs de toutes mes predictions qui sont certaines, si l'on n'y remédie, aydez-le & il interposera son autorité à vos conseils. Quand a vous, Sire, vostre bas aage ne vous peut servir d'excuse pour ne supporter tous les traux qui se presentent, ayât mesmes vn Thesee pour second : vous fils d'un Iupiter, qui en pareil aage commandoit aux armées : vous tenez le sceptre des François, qui n'ont accoustumé d'obeir qu'à ceux qui par leur vertu scauent commander, & encores en ce tēps qu'ils ne tiennent pour maistres, que ceux qu'ils craignent ou qui leur font du bien; qu'ils sont si chatoüilleux en leurs opinions qu'ils tornent incontinent au mal ce qu'ils deuroient prédre a bien; ne voyez-vous pas que leur lange enuennimee, ils s'osent attaquer à vostre Maiesté, voulant des son commencement ternir vostre grandeur : prenez y garde, vostre France mesme vous eit vne marraistre qui vous enuoe des vostre enfance des serpens lesquels si vous n'estouffez bien tost, monstrant que vous estes vn S. Loüis, non vn Charles le simple pourroient tellement infecter vostre nom de leur venin, qu'il seroit à la fin impossible d'y remedier : montrez vous vn Hercules des vostre bas aage, pouuoir supporter les traux que ceste Marraistre vous met deuant yeux, vous auez trouué vne Pallas ce sage Parlement, pour conseil, & vn Thesee pour second, il vous seront faciles.

Vous y trouuerez en teste vne Cerbere, les trois Estats de ce Royaume qui n'ont eu autre but en leurs propositions qu'à vous ruiner, qu'à vous rendre tributaire des hommes, vous qui tenez de Dieu; & qui sera, si vous n'y prenez garde, la premiere cause de vostre mal. Luy qui deuoit estre, s'il eust bien fait, le reſtabliſſement de vo-

stre Estat, qui s'est osé attaquer à celuy lequel apres vostre Sacree personne & de Monsieur vostre frere, à le pl^s d'intereſt à la cōſervation de ceſt Estat. Ne l'a-il pas méſpris de ſes cris impudens pour auoir voulu ſouſtenir vos droits? N'a-il pas taſché de le rendre criminel en votre endroit? N'a-il pas en votre preſence de ſes trois diuerſes teſtes vomy contre luy vn venin tout different? mais vous l'aurez bien toſt ramené à la raiſon, continuant l'amitié que vous monſtrez luy porter, & l'honneur que luy faites de le deſirer touſiours au près de vous, pour le ſuiu e en ſes Conſeils, d'autant meilleurs que celuy de autres, qu'il y a plus d'intereſt.

Vous y aurez a combattre des oyſeaux ſtyphalides, qui ennieux & eſtrangers empeschent que les François ne ſe reſſentent de rayons de vos liberalitez.

Il ſuiuira vn Euristhe, qui n'a ſeruy que d'inſtrument à Ionon, pour vous perdre & Theſee qui doit par vne punition exemplaire, pour auoir par ſes conſeils preſque renuerſé votre Estat, mōſtrer le chemin à beaucoup d'autres, il vous ſera facile de le conduire a telle fin tout honneur de ſe voir fruſtré de l'heureux ſuccez, qu'il eſperoit en ſes deſſeins: pourſuiués le, votre Parlement vous y appelle, le peuple las de des pilleries qu'il à exercé ſur luy vous y conuie.

Ayant ainſi avec l'aſſiſtance de votre Theſee terracé tous ces monſtres, qui de diuerſes natures, couuent dans leurs corps François vne ame Eſpagnole; qui ne ſont nez qu'à votre ruine; qui creatures de l'Eſtranger, ne vous pouſſe qu'à ce qui leur profite; vous aurez bien toſt rengé celuy qui ne ſe ſie en ſes deſſeins, qu'à leur corruption ce Lyon rougiſſant qui ne taſche qu'à vous ruiner, qu'à vous deuorer vos François, & par ſon or, leur oſter le reſte de l'affection qu'ils vous peuuent porter, qui ayant

mesme vne Hydre en France, à fait que par les conseils de ceux qu'elle auoit enuenimé, vous avez contracté avec luy des alliances en ce encores plus dangereuses que maintenant pour vous tromper, il quitte la peau de Lyô pour prendre celle d'un Renard.

Ne vous fiez point, mon Roy, en ses promesses, quittez son amitié; soyez son ennemy; luy quia voulu il ny a pas long temps de posséder le feu Roy vostre pere du Sceptre que vous tenez à present: craignez l'effet en vostre endroit.

Et pour ce reiettez au plustost ceste Deïanire, qui jalouse de vostre bien, vous donnera vn iour si vous la retenez, vne chemise infectée de son venin d'Espagne, qui sera rille comme c'est leur coustume, fera faillir vostre race en vous mesmes.

N'allez chercher en pays estrange vne femme, vous avez en France vne Hébé qui vous attend, c'est elle seule qui doit estre & sera vostre compagne qui vous rendra immortel par la posterité qu'elle vous engendrera, laquelle bien que vostre parente vous pouuez espouser sans aucune dispence. C'est elle de qui les peres vrais enfans de Bourbon n'ont iamais euz autre but que le bien de la Couronne, qui seule vnicque delaissee par l'une de vos branches, peut apres vos longs traux vous faire cueillir les pommes Hesperides.

Croyez-moy, Cassandre, qui ne sçait que c'est que mensonge, vous le dit qui vous predits la ruine entiere de vostre Estat, la perte de vostre Couronne, si vous persistez en ses alliances encommencees, qui sont la fin & le commencement des malheurs qui penchent sur vostre teste, & au contraire, qui ne nous promets que bon-heur, que victoires, que triumphes, bref, tout ce qu'un Roy bien-aimé de son peuple, & tout qui est prompt à executer ce

que Dieu luy commande, peut iustement desirer, si vous recepuez pour compagne de vostre Scéptre, celle qui dediée à feu Monsieur vostre frere apres la mort; n'est demouree que pour se voir vn iour vostre elponte legitime qui par ses yeux brillants, & son visage plus parfait que celuy d'une Deesse; qui par sa douce & agreable parole, surpassant de beaucoup celle des Nymphes, vous deueroit si vous n'estes autres que les Dieux mesme attirer à elle; qui de surplus vous apporte en la prenant à femme plus de domaines qu'Estrangere telle qu'elle soit maintenant au monde vous pourroit donner.

Et encores vouloir prendre vne Maure desheritee & sans bien la quittant là: Elle qui avec sa beauté vous rendra possesseur legitime du patrimoine de vos ayeuls, Messeigneurs de Bourbon & du pays dont vous portez le nom.

Ne pensez point en auoir d'autre avec la volonté de ce grand Dieu qui vous commande par ma bouche de la choisir seule entre toutes si vous ne voulez endurer toutes les punitions que Princes refractaires de ses commandemens scauroit craindre.

